

## MELELE KO ÑAN RI NAÑINMIJ EO

Burokraam in Nañinmij in Lōpa eo naetan National Hansen's Disease Programs (NHDP) ej kōmman jermal in jibañ ko, ilo ejelok wōnāān einwōt:

- Uno ko ñan nañinmij in lōpa ak Hansen's Disease
- Jermal in kakōlkōl bōtōktōk ko
- Lolok taktō ro ilo NHDP im clinic ko ilo 15 bukōn ko im Puerto Rico

Ñan melele ko, jouj im kurlok NHDP:

Kurlok 1-800-642-2477, Mande ñan Bōlaide 9 awa jibboñ ñan 5:30 jota Eastern Standard Time (Hawaii: 1-808-733-9831).

Website: [www.hrsa.gov/hansens-disease](http://www.hrsa.gov/hansens-disease)

Armij ro rej jokwe ilo mainland America, Puerto Rico im U.S. Territory ko remāroñ ebbōk jibañ jen jikin taktō ko ikijen kakōlkōl im uno im wāwein kamour nañinmij in Hansen disease (lōpa) ilo juōn iaan clinic ko 16 im rej ebbōk jāān in jibañ an Kien im rej bed ilo 10 State ko im Puerto Rico.

<http://www.hrsa.gov/hansens-disease/ambulatory-clinics.html>

Uno in nañinmij in lōpa ak Hansen's disease emāroñ etal ñan ri nañinmij ro rej jokwe lo bukōn ko ejelok clinic in HD jen Burokraam in Nañinmij in Lōpa eo naetan National Hansen's Disease Program (NHDP). Juōn taktō emāroñ order e uno in HD (dapson, rifampin, clofazamine) jen NHDP ilo ejelok wōnāān ñan ri nañinmij eo. NHDP ej bareinwōt kōmman jermal in jibañ ko ikijen kenono ibben taktō im kakōlkōl eo naetan biopsy ilo ejelok wōnāān ñan ri nañinmij eo. Ien lolok taktō eo im wōnāān kōmman lāb rejjab an NHDP eo eddo ñan kōllāiki.

### **Kajjitōk ko ekkā aer walok:**

***Kajjitōk: Ta in Hansen's Disease (HD)?***

**Uaak:** Juōn infection ilo kul im nerve ko, kōmman jen bacteria ak kuj. Kar etan nañinmij in mokta ej "lōpa."

***Kajjitōk: Elemen ao jelā ke ebed ibba?***

**Uaak:** Oo kilum ak buroro jet jikin ilo kilum me kwōjjab eñjake. Am jab eñjake beium ak neem emāroñ kōkalle ko moktata in HD. Taktō eo am emāroñ kakōlkōle kwe ñan nañinmij in ilo an kōmmane juōn biopsy. Kajjitōk ibben taktō eo bwe en kurlok NHDP (lale melele ko lōñ).

***Kajjitōk: Ewōr ke uno ak wāwein ko ñan kamour nañinmij in?***

**Uaak:** Nañinmij in enej mour jen uno ko. Ri Nañinmij ro rej bōk uno in HD rejjab kajedeede nañinmij in. Uno ko rej iwōj ilo ejelok wōnāān jen NHDP.

***Kajjitōk: Wōn emāroñ bōk nañinmij in?***

**Uaak:** Ratimjonñoul lalem percent in armij ewōr aer bōbrae iloan ānbwinnier jen kuj eo ej kōmman HD. Kōn un ko ejelok ad melele kake, ewōr jet armij ewōr wōt jidik ak ejelok an ānbwinnier bōbrae, inōm remāroñ bōk nañinmij in jen aer ebaake juōn armij eo ejañin bōk jibañ jen uno ko.

***Kajjitōk: Elap ke an kapopo HD?***

**Uaak:** Eben bōke nañinmij in HD. Ejjab ajedeed einwōt bok aidik ak bok. Ilo elōñ ien ko, emāroñ wōr juōn wōt armij ilo baamle eo enej bōk nañinmij in.

***Kajjitōk: Emāroñ ke ajedeed ilo ien bororo ak ilo ien an kōrā im emaan ioon dron?***

**Uaak:** HD ejjab ajedeed jen jinen ñan ajiri eo nejin iloan lojeen. Kwōjjab bar bōke jen am ioon emaan ak kōrā.

***Kajjitōk: Ewōr ke jorāñ ak oktak enej walok ñan ānbwinnid?***

**Uaak:** Kinke kuj eo ekōnaan bed ilo paat ko remolo ilo ānbwinnid, renaaj jelete kul im nerve ko. Meniin emāroñ kōmman bwe en mōrā im kankan kulid, metak, jako eñjaake, im mōjno muscle ko ilo beid im need.

***Kajjitōk: Enaaj ke tum adiin beid im need?***

**Uaak:** Jaab. Jemāroñ bōbrae burablem ko ñan adiin beid ak need ilo ad kejberok jen wōr jorāñ im infection in kinej ñan er, im ilo ad idaak uno in HD ko.

***Kajjitōk: Imāroñ ke wōnmaanlok wōt im jermal?***

**Uaak:** Armij eo ewōr HD ibben emāroñ wōnmaanlok wōt im jermal im kōmman aolep kain makitkit ko.

***Kajjitōk: Ia eo ewōr uno im jermal ko jet ñan kamour nañinmij in?***

**Uaak:** Uno in HD ej etal ñan ri nañinmij ro ilo ejelok wōnāñ jen taktō eo an ak jen clinic in HD eo ebaake tata kwe.